



Broj predmeta: 13-001781/21
Broj akta: 01.1-1413EK-0029/21
Datum, 4. 11. 2021.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (3) i stav (2) tačka e) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom komisije za javne nabavke broj:13-001781/21 od 21.10.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za **Lot 2 – Izgradnja aneksa JU Osme osnovne škole Brka, Lot 3 - Rekonstrukcija i dogradnja nadstrešnice iznad česme u MZ Stari Rasadnik kod doma MZ i Lot 4 – Nastavak radova na uređenju zgrade mjesne zajednice Dubrave** iz provedenog postupka za nabavku građevinsko zanatskih radova na javnim objektima za potrebe Kancelarije za upravljanje javnom imovinom – 6 lotova, koji je pokrenut na osnovu Odluke o pokretanju postupka javne nabavke broj: 13-001781/21 od 6.8.2021. godine, Obavještenja o nabavci na portalu javnih nabavki broj: 1157-1-3-423-3-422/21 od 18.8.2021. godine, predmjera radova u vezi sa Tenderskom dokumentacijom broj: 13-001781/21, za Lot 2 iz drugih dokazanih razloga koji su izvan kontrole ugovornog organa a koji se nisu mogli predvidjeti u vrijeme pokretanja postupka javne nabavke, što prema čl. 69 stav (3) Zakona o javnim nabavkama predstavlja osnov za poništenje postupka javne nabavke, za lotove 3 i 4 iz razloga što su cijene svih prihvatljivih ponuda zantno veće od osiguranih sredstava za predmetnu nabavku, što prema čl. 69 stav 2 tačka e) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno sedam ponuda, sljedećih ponuđača: „AS Gradnja“ d.o.o. Brčko, „Lišić Konstrukcije“ d.o.o. Brčko, „Pikaso“ d.o.o. Brčko, „Bijelić Gradnja“ d.o.o. Brčko, „Papillon“ d.o.o. Čelić, „Zanat-Tex“ d.o.o. Brčko i „Astra Plan“ d.o.o. Brčko. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim. Izvršena je analiza ponuda u pogledu opisa predmeta nabavke i tehničkih specifikacija i utvrđeno je da na Lot-u 2- radovi demontaže i rušenja – završni radovi u stavke 1,2,3 i 4 propušteno da se upiše jedinica mjere i količina u predmjeru radova odnosno za paušal na stavkama 1 i 2 je količina upisana 0, a na stavkama 3 i 4 nije navedena količina. Došlo je do različitog popunjavanja podataka od strane ponuđača tako da su ponude ponuđača za Lot 2 neuporedive zbog greške u tenderskoj dokumentaciji. Izvršena je računaska kontrola dostavljenih ponuda i u ponudama ponuđača

„Bijelić Gradnja“ d.o.o. Brčko, „Papilon“ d.o.o. Koraj-Čelić, „Astra Plan“ d.o.o. Brčko je uočeno postojanje računskih greški koji su dostavili saglasnost za ispravku. Nisu postojali elementi za sumnju u neprirodno nisku cijenu ponuda jer je dostavljena samo jedna ponuda. Izvršena je e-aukcija za lotove 1, 3, 4 i 5 i došlo je do smanjenja cijena samo na lotovima 1 i 5. Ponude najpovoljnijih ponuda su u okviru procijenjene vrijednosti nabavke za lotove 5 i 6 dok ponude najpovoljnijih ponuđača nisu u okviru procijenjene vrijednosti nabavke za lotove 1, 3 i 4. Kancelarija se izjasnila da postoje sredstva za Lot 1 dok za lotove 3 i 4 ne postoje i da se te lotove postupak poništava. Komisija za nabavke je dostavila preporuku o poništenju postupka izbora najpovoljnijih ponuđača za lotove 2, 3 i 4.

.POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Kancelariji za upravljanje javnom imovinom,
3. Gradonačelniku,
4. Ponuđačima,
5. Službenom glasniku Brčko distrikta BiH
6. Arhivi.



GRADONAČELNIK

Esed Kadrić

Kadrić